



219
A
DE OBEDIENTIAE VIR

tute Epistola N.P. Ignatii.

IGNATIVS LOIOLA

fratribus Societatis IESV, qui sunt

in Lusitania gratiam, & anio-

rem Christi Domini

sempiternum.



*M*agnam animi uoluptatem capio fra-
tres in Christo carissimi, cum affer-
tur ad me, quā acris studio, conatq;
ad summam uirtutis, ac diuini obse-
quij perfectionem enitami, beneficio illius, qui
uos ut ad hoc uitae institutum uocauit, sic in eodē
pro sua clementia retinet, dirigitq; ad beatū finē,
ad quem, qui sunt ab ipso electi, perueniūt. Atq;
ego sane cum uos omnibus donis ornamentisque
spiritualibus perfectos, tū uero (quod alias ex me
cognouistis) in primis obedientia uirtute prae-
stantissimos esse cupio: idque nō solū ob eximia qua-
dam, ac singularia eius bona, quae tot, tamque illu-
stribus sacrarum literarū testimonijs, atq; exem-
plis, in testamento aequae nouo, ac ueteri cōproban-
tur, sed etiam quod (ut est apud sanctum Grego-
rium) Obediētia sola uirtus est, quae uirtutes cate-
ras menti inserit, insertasq; custodit. Haec dū flo-

Lib. 39
moral.
cap. 10

AdPhi.
lipp.2.

ruerit florebuti procul dubio reliquæ, edentq; fru-
ctus, quales, & ego in animis uestris exopro, et
suo iure postulat is, qui humanum genus negle-
ctæ obedientiæ scelere afflictum, ac perditum sa-
lutari ipsemet obedientia reparauit, Factus obe-
diens vsque ad mortem; mortem autem crucis.

Ab alijs religiosis ordinibus facilius patiamur
superari nos ieiunijs, uigilijs, & cætera uictus,
cultusque asperitate, quam suo quique ritu, ac di-
sciplina sancte suscipiunt. vera quidem, ac perfe-
cta obedientia, abdicationeque uoluntatis, atque
iudicij maxime uelim fratres carissimi esse con-
spicuos, quicunque in hac Societate Deo Domino
nostro deseruiunt, eiusdemque Societatis ueram,
germinamque sobolem hac quasi nota distingui,
qui numquam intueatur personam ipsam, cui obe-
diunt, sed in ea Christum Dominum, cuius causa
obediunt. Si quidem Superiori, nec si prudentia,
bonitate, cæterisue quibuslibet diuinis donis orna-
tus, instructusq; sit, propterea obtemperandū est;
sed ob id solū, quod uices gerat Dei, eiusdemq; au-
toritate fugatur, qui dicit, Qui nos audit, me au-
dit, et qui nos spernit, me spernit; nec contra siue
consilio, aut prudētia minus ualeat, quidquā iccir-
co de obediētia remittēdū, quatenus ille Superior
est; quando illius personā refert, cuius sapiētia fal-
li non potest; supplebitque ipse, quidquid mini-

stro

stro defuerit; siue probitate, alijsque ornamentis
 careat, si quidem disertis uerbis Christus Do-
 minus cum dixisset: Super Cathedram Moysi Matth.
 sederunt Scribae, & Pharisei, protinus addidit, 22.
 omnia ergo, quaecunque dixerint uobis serua-
 re, & facite: secundum opera uero eorum nolite
 facere. Quocirca sedulo uos in eam curam,
 atque exercitationem incumbere cupio, ut Chri-
 stum Dominum in Superiore quolibet agnosce-
 re studeatis, in eoque diuinæ Maiestati reueren-
 tiam, atque obedientiam summam cum reli-
 gione præstare. Quod uobis minus mirum
 videbitur, si animaduerneritis præceptum es-
 se ab Apostolo, ut Superioribus, etiam sacu-
 lularibus, ethnicisque pareamus, ut Chri-
 sto, ex quo omnis potestas bene instituta de-
 scendit: sic enim scribit ille ad Ephesios, Obe-
 dite dominis carnalibus cum timore, & tre-
 more in simplicitate cordis uestri, sicut Chri-
 sto, non ad oculum seruientes, quasi homi-
 nibus placentes, sed ut serui Christi facien-
 tes uoluntatem Dei ex animo cum bona vo-
 luntate seruientes sicut D O M I N O, &
 non hominibus. Atque hinc existimare po-
 teritis ipsi, cum se religiosus quispiam regen-
 dum, ac moderandum alteri tradidit, non
 solum ut Superiori, sed etiam nominatim

Cap. 6.

ut Christi partes agentis, quo illum loco apud unum
 mum suū habere, utrum ut hominē, an ut Christi
 uicariū debeat intueri. Iam uero illud etiā uobis
 clare compertum esse, ac in animis uestris penitus
 insidere uehementer cupio: infirmam, et ualde im-
 perfectam esse primam illam obedientiæ formā,
 quæ mandata dūtaxat opere exequitur, nec uirtu-
 tis nomine dignam, nisi ad alterum gradū ascen-
 dat, qui uoluntatē Superioris suam efficit, et cum
 ea ita concordet, ut non solū in effectu executio
 appareat, uerum etiā in affectu cōsensio: sicq; idē
 uelit uterque, idē nolit. Atque propterea in sacris
 literis legimus, Melior est obedientia, quā victi-
 ma, si quidē (ut S. Gregorius docet) Per uictimas
 aliena caro, per obedientiā uero uoluntas propria
 mactatur. quæ quidē pars animi, quoniā est adeo
 præstās, sic fit, ut eius oblatio Domino, ac Creato-
 ri Nostro pro obedientiā facta magni sit aestimā-
 da. Quāto in errore, quāque periculoso uersantur
 non dico solum ijs, qui in ijs, quæ ad carnem, et san-
 guinē pertinent, sed illi etiā, qui in rebus alioquin
 admodū sanctis, ac spiritalibus, ut ieiunijs, pre-
 cationibus, alijs uē quibusuis pietatis operibus, fas-
 putant a præscripto Superioris ac uoluntate disce-
 dere. Audiāt quod sapienter adnotat Cassianus
 in Collatione Danielis Abbatis: unū sane inquit,
 atque idē inobedientiæ genus est, uel propter ope-
 rationis

1. Regū
15.

Lib. 35
moral.
cap. 10.

ad. gal.

Coll. 4
cap. 20

rationis instantiam, vel propter otij desiderium
 senioris uiolare mandatū: tāque dispendiosum est,
 pro somno, quā pro uigilia, Monasterij statuta
 conuellere: tantum denique est. Abbatibus transire
 præceptū, ut legas, quantum si contēpnas, ut dor-
 miās. Sancta fuit actio Martha, sancta contem-
 platio Magdalena, sancta pœnitētia et lacrima,
 quibus pedes Christi Domini rigabātur: sed hæc
 omnia nimirū oportuit fieri in Bethania, quam
 uocem domū obedientiæ interpretantur, ut ea re,
 quæ admodum ait S. Bernardus, nobis significare
 uoluisse Dominus uideatur; Nec studium bonæ
 actionis, nec otij sanctæ contēplationis, nec lacri-
 mæ pœnitentis extra Bethaniam illi accepta esse
 potuisse. Quo circa uoluntates uestras, fratres ca-
 riſſimi, quoad eius fieri potest, omnino deponite:
 libertatē conditori uestro, quā uobis ipsemet elax-
 gitus est, in eius ministris libere tradite, ac dicatē:
 nolite exiguū uestri liberi arbitrij fructū putare,
 quod liceat uobis illud, a quo id accepistis, eidem
 per obedientiā plene reddere: quod cū facitis, non
 modo nō perditis ipsum, uerū etiam augetis, atq;
 perficitis, quippe qui uestras omnes uolūtates cer-
 tiſſima rectitudinis regula moderemini uolūtate
 diuina, quā uidelicet interpretatur is, qui uobis
 Dei nomine præſidet. Itaq; diligēter illud etiam
 cauendū est, ne Superioris ullo unquā tempore uo-

21
 In Ser-
 mō. ad
 milit.
 templ.
 cap. 13.
 .c. 14.

In Ser
mō. de
trib. or
din. ec
cles. ad
patres
in cap.

luntatem (quam ducere pro diuina debetis) ad ue
stram detorquere nitamini: id enim esset non ue
stram diuinā conformare, sed diuinam uestrā uo
luntatis norma regere uelle, eiusdem diuinā sa
pientiæ ordinem inuertentes. Sane quā magnus
est error, & quidem eorum, quos amor sui obca
cauit, obediētes existimare sese, cum Superiorem
ad id, quod ipsimet uolunt, aliqua ratione pertra
xerint. Sanctum Bernardum in hac re praeclare
exercitatum audite, Quisquis inquit, uel aperte,
uel occulte satagit, ut quod habet in uolūtate, hoc
ei spiritalis pater iniūgat, ipse se seducit, si forte
sibi quasi de obediētia blādiatur: neq; enim in ea re
ipse Prælato, sed magis ei Prælatus obedit. Quæ
cum ita sint, quisquis ad obediētiæ uirtutem ue
lit peruenire, oportet ad hunc secundū obediētiæ
gradū ascendat, ut Superioris non solū iussa exe
quatur, sed etiam eius uoluntatem suam faciat,
seu potius suam exuat, ut diuinā a Superiore ex
positam induat. Qui uero se totum penitus immo
lare uult Deo, præter uolūtatem, intelligentiam
quoque, qui tertius et summus est gradus obediē
tiæ, offerat necesse est: ut nō solum idem uelit, sed
etiam ut idē sentiat, quod Superior, eiusq; iudicio
subiiciat suū, quoad potest deuota uoluntas intelli
gentiā inflectere. Quæ uis animi tametsi non ea,
qua uoluntas pollet, libertate prædita est, atque
ipsa

ipsa natura fertur eius assensus in id, quod sibi uer-
 ri speciem præbet; tamen multis in rebus, in qui-
 bus uidelicet cognita ueritatis euidencia uim illi
 non infert, potest uoluntatis pondere in hanc po-
 tius, quam in illam partem inclinari. quæ res cū
 incidunt, debet, quisquis obedientiam proficetur,
 inclinare sese in sententiam superioris: etenim cū
 obedientia sit quoddam holocaustum, quo totus
 homo sine ulla prorsus imminutione Conditori
 suo, ac Domino per manus ministrorū in caritatis
 igne immolatur, cūque sit eadem renūciatio quæ-
 dam integra, per quam omni suo iure sponte dece-
 dit religiosus, ut diuinæ prouidentia, Superioris
 ductu gubernandū, ac possidendū ultro sese addi-
 cat, ac mancipet; negari non potest, quin obedi-
 entia comprehendat non solū executionē, ut impera-
 ta quis faciat, & uoluntatem, ut libenter faciat,
 sed etiam iudicium, ut quæcunque Superior man-
 dat, ac sentit, eadem inferiori, & recta, & uera
 esse uideantur, quatenus, ut dixi, uī sua potest uo-
 luntas intelligentiam flectere. Vtinam hanc men-
 tis, ac iudicij obedientiam, ita & intellige-
 rent homines, & exercerent, ut grata Deo
 est, ac omnibus, qui in religione uiuunt, necessa-
 ria. Nā ut in corporibus, globisq; caelestibus, ut
 aliis aliū afficiat, moueatque requiritur, ut certa
 Q 5 , quadam

quadam conuenientia, ac ordine inferior orbis superiori subiiciatur, sic in hominibus, cū alter alterius auctoritate mouetur, quod per obedientiam fit, oportet, ut is, qui ab alterius nutu pendet subscriuat, et obsecundet, ut uirtus ab imperante ad eū deriuetur, et influat; Hæc autē obtemperandi, obsecundandique ratio constare non potest, nisi uoluntas, ac iudiciū inferioris cū Superioris uoluntate, ac iudicio congruat. Iā uero si finis et causa obedientiæ spectatur quæadmodum uoluntas, ita et iudiciū in eo, quod nobis conuenit, decipi potest. ergo sicuti ne uoluntas erret, cū Superioris uoluntate coniungitur, sic intelligentiæ, ne fallatur, ad Superioris intelligentiæ conformanda est. Ne im-

Prouer
bio. 3. mptaris prudentiæ tuæ, Sacra litera monet, atque in rebus etiā humanis censent sapientes, uere prudentis esse sua ipsius prudentia minime fidere, præsertim in rebus suis, quarum homines animo perturbato fere boni iudices esse non possunt. Quod si in rebus nostris, alterius, etiam non superioris, iudicium, atque consilium nostro anteponendum est, quanto magis ipsius Superioris, cui nos, ut Dei vicem gerenti, ac diuinæ uoluntatis interpreti moderandos tradidimus? In causis uero, personisque spiritualibus eo maior etiam cautio procul dubio est necessaria, quo grauius est spiritualis uitæ periculum, cum sine frenis consilij discretionisue

in ea decernitur. qua de re cōmode Cassianus in
 Collatione Abbatis Moysi, ait, Nullo alio uirio
 tam prācipitem diabolus monachum pertrahit
 ad mortem, quam cum eum neglectis consilijs se
 niorum, in suo iudicio persuaserit, ac dēfinitione,
 doctrinaue confidere. Præterea nisi hæc obediē-
 tia iudicij existat, fieri non potest, ut uel consensus
 uoluntatis, uel executio talis sit qualē esse opor-
 tet: natura enim ita comparatum est, ut animi no-
 stri uires, quæ appetitiuæ dicuntur, sequantur ap-
 prehensiuas, et nisi adhibita ui, uoluntas, iudicio
 repugnante, diu obtēperare non poterit. Quod si
 forte quis aliquo tēporis spatio obediat per com-
 munem illā apprehensionē, quā censetur perperā
 etiā prācipienti parendum esse, certe id stabile,
 ac fixam esse non potest, atque ita perseuerantia
 deficit, uel saltem obediētiæ perfectio, quæ in prō-
 pte, & alacriter obediēdo consistit; non enim
 ibi potest esse alacritas, ac diligentia, ubi est ani-
 morum, sententiarumque dissensio. perit etiā ex-
 quendi studium, & celeritas, cum ambigitur, ex-
 pediat nec ne facere quod iubemur, perit celebris
 illa obediētiæ cæca simplicitas, cū apud nos ipsos
 in quæstionem uocamus recte ne prācipiatur, an
 secus, atq; ue etiā fortasse damnamus Superiōrē,
 quod ea mandet, quæ nobis non ita iucunda sunt.
 perit humilitas, quoniam, & si ex altera parte
 paremus,

s. 110

v. 11. 12.

Serm. 3
de Cir-
cūciō
ne.

Rom.

15.

1. Cor. 1

& 2.

Cor. 13

Philip.

2.

paremus, ex altera tamen nosmetipsos Superiori
preferimus: perit in rebus arduis fortitudo, deni-
que (ut summam complectar) virtutis huius
vis omnis ac dignitas; succedunt autem in eorum
locum dolor, molestia, tarditas, lassitudo, obmur-
murationes, excusationes, aliaque vitia non sane
leuia, quibus obedientiae pretium, ac meritum
prorsus extinguuntur. Itaque sanctus Bernardus,
de ijs, qui grauius ferunt imperata minus sibi
suauia, sic ait. Hoc si moleste ceperis sustinere,
si diiudicare Prælatum, si murmurare in corde;
etiam si exterius impleas, quod iubetur, non est
hæc uirtus patientiæ, sed velamentum malitiæ.
Quod si pax, & tranquillitas animi queritur:
certe hæc non fruetur is, qui habet intra sese cau-
sam perturbationis, atque tumultus, dissensionem
videlicet iudicii proprii ab obedientia lege. At-
que ideo, tuenda concordia causa, quæ socie-
tatis omnis est vinculum, tantopere hortatur
Apostolus, ut id ipsum omnes sapiant, & di-
cant, nimirum de consentientibus & iudicijs,
& voluntatibus mutuo foveantur, & conser-
uentur. Iam si vnum eundemque oportet esse mem-
brum sensum, & capitis; facile cernitur utrum
sit aquius, caput membrum, an membra capiti
consentire. Atque ex his quidem, quæ dicta
sunt hæcenus, satis apparet obedientia iudicii
quam

quam sit necessaria. Quam vero sit eadem ipsa perfecta, grataque Domino inde primum ostenditur, quod per eam præstantissima pars hominis, ac pretiosissima Domino consecratur: deinde quod obediens ita sit holocaustum uiuum, gratumque Maiestati diuinæ, cum nihil suum omnino retineat: postremo quod magna est huius certaminis difficultas, frangit enim sese Dei causa obediens ipsemet, resistitque naturali propensione, quæ omnibus hominibus insita est ad suam complectendam, sequendamque sententiam. Ex his igitur rebus efficitur, ut obedientia tametsi proprie voluntatem perficere videatur, quippe quam reddit ad nutum Superioris promptam, ac paratam, nihilominus ad intelligentiam quoque ipsam, ut diximus, pertinere debet, eamque inducere ad sentiendum idipsum, quod sentit Superior: sic enim fiet, ut omnibus connixi viribus, & voluntatis, & intelligentiæ ad executionem celerem, atque integram ueniamus. Videor mihi uos fratres carissimi audire dicentes: de uirtutis quidē huiusce necessitate iam non ambigere, illud uero, ut cognoscatis vehementer optare, quo pacto ad eius perfectionem peruenire possitis. Huic ego questioni cum Sancto Leone, ita respondeo. Nihil arduum est humilibus, & nihil asperum mitibus, modo

Serm. 5
de Epiphania

mandatum quodcumque tradiderit, pari profecto obsequendum est cura, pari reuerentia deferendū, ubi tamen Deo cōtraria nō prācipit homo. Atque ita si non hominē externis oculis, sed Deum inspexeritis internis; haud sane graue fuerit uobis uoluntates uestras, atque iudicia cōformare ad eam regulam actionum uestrarum, quam ipsi met elegistis. Altera est ratio, ut quod Superior mandat, uel sentit defendere semper apud animos uestros studiose nitamini, improbare autem nequaquam, atque ad eam ipsam rem proderit bene animatos, affectosq; esse ad id omne, quod ipse iusserit: sic enim fiet, non solum ut sine molestia, sed etiam, ut cum uoluptate letitiaque pareatis: nam (ut est apud Sāctum Leonem) Nō dura ibi necessitate seruitur, ubi diligitur quod iubetur. Postrema subiyciendi iudicij ratio est cum faciliior, tutiorque, tum etiam apud sanctos Patres in more posita, ut statuatis uobiscū ipsi, quidquid Superior prācipit ipsius Dei prāceptum esse, & uoluntatē, atq; ut ad credenda, quae catholica fides proponit, toto animo assensuq; uestro statim incumbitis: sic ad ea facienda quacūque Superior dixerit, cōco quodam impetu uoluntatis parendi cupida sine ulla prorsus disquisitione seramini. sic egisse credēdum est Abraham, filium Isaac immolare iussus: sic noui testamēti tēpore aliqui

Serm.
4. de iei
iunio se
ptimi
mensis.

Gen.
12.

e san-

Lib. 4.
cap. 24.
& 26.

Greg. 2.
dialog.
cap. 1.
In uitis
Patrū
2. part.
lib. 7. de
obed.

De uitis
lib. 7. de
obed.

e sanctis Patribus ijs, quos commemorat Cassia-
nus, ut Ioannes Abbas, qui, quod erat ei impera-
tum, non reputabat utile ne esset, an inutile, ut cū
aridum lignum tanto, ac tam diuturno labore per
annū irrigauit; nec utrum fieri posset, nec ne, ut cū
conatus est tā ex animo ingens saxū solus dimoue-
re loco, quod ne multi quidē simul homines impel-
lere potuissent, quod obedientia genus. ipsis interdū
miraculis diuinitus cōprēbatum uidemus, nā (re-
alios taceam, quos ipsi non ignoratis) Maurus Sa-
Benedicti discipulus, mandato Superioris lacū in-
gressus, nec mersus est: alius quidā a Superiore ius-
sus leuā ad se ducere, illā cōcepit, atq; perduxit.
Est igitur hęc ratio subiūciendi proprii iudicii, ac
sinē ulla quæstione sancienti, et collaudādi apud se
quodcūq; Superior iusserit non solū sanctis uir-
tutibus, sed etiā perfectā obedientiā studiosis imi-
tāda omnibus in rebus, quæ cū peccato manifesto
comandāta non sunt. Nec tamē ideo uetamini, si
quid forte uobis occurrat a Superioris sententiā di-
uersum, idq; uobis (consulto suppliciter Domino)
exponendū uideatur, quominus id ad Superiorem
referre possitis: uerum in hac re, ne uos amor re-
strindiciumque decipiat, illa cautio est adhiben-
da, ut animo sitis, & ante, & post relationem
equissimo, non solum quod pertinet ad eam rem,
de qua agitur, vel suscipiendam, uel deponendam,

- 114 / 3

sed

sed etiam ad approbandum, rectiusque putan-
 dum quidquid Superiori placuerit. Atque hæc
 quæ de obedientia diximus, æque priuatis erga
 proximos Superiores, atque Rectoribus, Præpo-
 sitisque localibus erga Prouinciales, Prouincia-
 libus erga Generalem, Generalem denique erga il-
 lum, quem Deus ipsi præfecit, nempe suum
 in terris Vicarium, obseruanda sunt, sic ut Or-
 dinum perfecta distinctio, ac proinde pax
 retineatur, & caritas, sine qua nec Societatis
 nostræ, nec alterius cuiuslibet Sodalitatis pos-
 set recta gubernatio conseruari. Nimirum hoc
 modo prouidentia illa diuina disponit omnia sua Sap. 2.
 uiter, infima per media, media per summa
 suos ad fines cuncta perducens. Hinc illa vi-
 delicet in Angelis vnius hierarchiæ ad aliam
 subordinata series; Hinc & celestium, &
 aliorum omnium, quæ cientur corporum certis
 locis, ac sedibus inter sese apta connexio, quo-
 rum conuersiones, ac motus ab vno mouente su-
 premo gradatim omnes vsque ad infimos rite
 proueniunt. Idem in terris cum in omni ciuita-
 te bonis instituta legibus, tum vero in hierar-
 chia Ecclesiastica cernitur, cuius omnia mem-
 bra, & functiones ab vno Generali C H R I-
 S T I Domini nostri Vicario deriuantur,
 & quo accuratius hæc dispositio, & collo-
 catio

catia custoditur, eo rector est gubernatio, et melior. contra uero huius ordinis negligentia quam graua incommoda multis hominū Societatibus importentur, nemo non uidet. Atque ideo in hac, cuius mihi non nullam procuracionem, ac curam Dominus tradidit, tam diligenter hanc uirtutem exerceri, uigereque percipio, quasi in ea Societatis nostrae bonum, ac salus uniuersa consistat. Quae cum ita sint, ut unde exorsa est ibidem terminetur epistola, uos ego per Christum Dominum Nostrum obtestor, qui sese nobis non modo praecceptorem, sed etiam exemplar praebuit obedientiae, ut ad eam uirtutem toto pectore incumbatis, & gloriosa uictoria appetentes atque audi, uosmetipsos superare, id est excelsiorem et difficiliorem animi partem, uoluntatem dico, atque indicium expugnare, & subicere studeatis, quo Dei Domini N. solida ueraque cognitio, atque amor uestris ad se animos penitus trahat, totoque uita huius, & quasi peregrinationis curriculo usque eo gubernet, ac regat, dum uos demum aliosque complures uestra opera exemploque adiutos ad ultimum & felicissimum finem, nimirum ad beatitudinem sempiternam perducatur. Vestris ad Deum precibus me valde commendo.

Roma vij. Kal. Aprilis M D LIII.